

# S A D R Ź A J

## Službeni glasnik Općine Sanski Most

Broj: 11/09 Sanski Most Godina XIV 31. DECEMBAR 2009. god.

|   |    |
|---|----|
| Odluka o privremenom finansiranju općine Sanski Most u periodu januar-mart 2010. godine .....   | 2  |
| Odluka o pristupanju izrade izmjena i dopuna Statuta općine Sanski Most .....   | 3  |
| Odluka o izmjeni i dopuni Odluke o uslovima i načinu davanja u zakup poslovnih prostorija i poslovnih zgrada na području općine Sanski Most .....   | 4  |
| Odluka o pristupanju općine Sanski Most u članstvo Lokalne akcione grupe Una-Sana .....   | 5  |
| Odluka o pristupanju izradi Strateškog razvojnog plana za vode i okolišnu sanitaciju «SRPVOS» općine Sanski Most .....  | 6  |
| Odluka o prodaji i početnoj prodajnoj cijeni stambenih jedinica (Dom Zdena) u vlasništvu općine Sanski Most metodom neposredne pogodbe .....  | 7  |
| Odluka o izmjenama i dopunama Odluke o davanju saglasnosti na zaključivanje Ugovora o zamjeni nekretnina u vlasništvu općine Sanski Most i ŠPD «Unsko-sanske šume» doo Bosanska Krupa ..... | 8  |
| Odluka o usvajanju Referata iz imovinsko-pravnih odnosa .....   | 9  |
| Rješenje o imenovanju Komisije za izradu izmjena i dopuna Statuta općine Sanski Most i Poslovnika o radu Općinskog vijeća Sanski Most .....   | 10 |
| Rješenje o imenovanju Komisije za dodjelu stipendija za studente Općine Sanski Most .....   | 11 |
| Rješenje o imenovanju Komisije za strateško planiranje u oblasti voda i okolišne sanitacije općine Sanski Most .....  | 12 |
| Rješenje broj: UP-1-06-31-1-1437/09 .....   | 13 |
| Rješenje broj: UP-1-06-31-1-1410/09 .....   | 15 |
| Rješenje broj: UP-1-06-31-1-446/09 .....  | 17 |

Na osnovu člana 21. Zakona o proračunu Budžeta Federacije BiH (Sl. novine FBiH, br. 19/06) te na osnovu člana 24. Statuta općine Sanski Most („Sl. glasnik općine Sanski Most“ br: 4/08, 5/08 i 5/09), Općinsko vijeće Sanski Most na 15. sjednici održanoj dana 29.12.2009 godine, d o n i j e l o j e

## **ODLUKU**

**o privremenom finansiranju općine Sanski Most  
u periodu JAN-MART 2010**

### **Član 1.**

Ovom Odlukom utvrđuje se privremeno finansiranje općine Sanski Most u periodu JAN-MART 2010 godine, do donošenja Odluke o usvajanju budžetskih prihoda i rashoda za 2010 godinu.

### **Član 2.**

Sredstva za privremeno finansiranje potreba Općine u periodu iz člana 1. ove Odluke utvrđuju se u visini ostvarenih sredstava u Budžetu općine Sanski Most za period OKT-DEC-2009 godine.

### **Član 3.**

Ova Odluka stupa na snagu danom objavljivanja u „Službenom glasniku općine Sanski Most“, a primjenjivat će se od 01.01.2010 godine.

**BROJ: 07- 02-3140/09**

**DATUM: 30.12.2009 g.**

**PREDSJEDAVAJUĆI OV**

**DRAGO PRAŠTALO**

Na osnovu člana 13. Zakona o principima lokalne samouprave u Federaciji Bosne i Hercegovine (Službene novine Federacije BiH broj 49/06) i člana 119. Statuta općine Sanski Most (Službeni glasnik općine Sanski Most broj: 04/08, 05/08 i 5/09) Općinsko vijeće na 15. sjednici održanoj dana 29.12.2009.godine  
d o n o s i

## ODLUKU

o pristupanju izradi izmjena i dopuna  
Statuta općine Sanski Most

### Član 1.

Pristupa se izradi izmjena i dopuna Statuta općine Sanski Most usvojenog na 42. sjednici Općinskog vijeća od 03.04.2008.godine i objavljenog u Službenom glasniku općine Sanski Most broj: 04/08, 05/08 i 5/09.

### Član 2.

Tekst izmjena i dopuna Statuta općine Sanski Most izradit će Komisija za izradu izmjena i dopuna Statuta koju imenuje Općinsko vijeće Sanski Most.

### Član 3.

Rok izrade izmjena i dopuna Statuta opine Sanski Most je 15 dana od donošenja ove Odluke.

### Član 4.

Ova Odluka stupa na snagu osmog dana od dana objavljivanja u Službenom glasniku općine Sanski Most.

Broj:07-02-3141/09  
Datum:30.12..2009.god.

Predsjedavajući Općinskog vijeća

Prašalo Drago

Na osnovu Zakona o zakupu poslovnih zgrada i poslovnih prostorija ("Službeni list SR BiH" broj 33/07,2/87 i 30/90 , te u "Službenom listu R BiH" broj:3/93 i 13/94 ) i člana 24.Statuta općine Sanski Most ("Službeni glasnik općine Sanski Most " broj:4/08,5/08 i 5/09) na 15. sjednici Općinskog vijeća Sanski Most od 29.12.2009.godine ,  
d o n e s e n a j e

## **ODLUKA**

### **o izmjenama i dopunama Odluke o uslovima i načinu davanja u zakup poslovnih prostorija i poslovnih zgrada na području općine Sanski Most**

#### **Član 1.**

U Odluci o uslovima i načinu davanja u zakup poslovnih prostorija i poslovnih zgrada na području općine Sanski Most ("Službeni glasnik općine Sanski Most " broj:4/06 i 6/07 ) u tački 4 PRELAZNE I ZAVRŠNE ODREDBE u članu 13.stav 3. stoji „Sastavni dio ovog ugovora o zakupu čini garancija poslovne banke koju mora priložiti lice sa kojim se zaključuje ugovor o zakupu a za godišnji iznos zakupnine „ mjenja se i glasi :  
„Sastavni dio Ugovora o zakupu čine 4 mjenice i Ovlaštenje potpisano od lica sa kojim se zaključuje Ugovor o zakupu poslovnih prostorija koje u slučaju neizmirenja obaveza Služba financija općine Sanski Most može poslati banci na naplatu“

#### **Član 2.**

Ostale odredbe Odluke ostaju neizmjenjene .

#### **Član 3.**

Ova odluka stupa na snagu osmog dana od dana objave u "Službenom glasniku Općine Sanski Most".

**Broj:07-02- 3144/09**  
**Datum:30.12.2010 god.**

**Predsjedavajući**  
**Općinskog vijeća**  
**Prašalo Drago**

Na osnovu člana 24. Statuta općine Sanski Most ("Službeni glasnik općine Sanski Most", br. 4/08, 5/08, 5/09), Općinsko vijeće na 15. sjednici, održanoj dana 29.12.2009.godine, donijelo je

**ODLUKU**  
**o pristupanju općine Sanski Most**  
**u članstvo Lokalne akcione grupe Una – Sana**

Član 1.

Općina Sanski Most pristupa u članstvo Lokalne akcione grupe Una – Sana.

Član 2.

U Lokalnoj akcionoj grupi Una – Sana općinu Sanski Most predstavlja Općinski načelnik, odnosno drugo lice ovlašteno za zastupanje od strane Općinskog načelnika.

Član 3.

Općina Sanski Most će kroz članstvo u Lokalnoj akcionoj grupi Una – Sana promovirati razvojne ciljeve Općine i učestvovati u sufinansiranju onih projektnih prijedloga Lokalne akcione grupe Una – Sana, koji su od prioritarnog razvojnog značaja za općinu Sanski Most.

Član 4.

Općina Sanski Most se obavezuje da će kao naknadu za članstvo u Lokalnoj akcionoj grupi Una – Sana obezbijediti dio sredstava za finansiranje rada LAG – a kroz Budžet Općine. Naknada se određuje na godišnjem nivou, a na osnovu prethodno podnesenog finansijskog plana od strane Lokalne akcione grupe Una – Sana.

Član 5.

Za realizaciju ove Odluke zadužuje se Općinski načelnik.

Član 6.

Ova Odluka stupa na snagu osmog dana od dana objavljivanja u Službenom glasniku općine Sanski Most.

Predsjedavajući Općinskog vijeća

Praštalo Drago

Broj: 07-02-3145/09

Datum: 30.12.2009.godine

Na osnovu člana 24. Statuta općine Sanski Most ("Službeni glasnik općine Sanski Most broj: 4/08, 5/08 i 5/09 ), Općinsko vijeće općine Sanski Most na 15. sjednici održanoj dana 29.12.2009.godine donijelo je:

**ODLUKU**  
o pristupanju izradi Strateškog razvojnog plana  
za vode i okolišnu sanitaciju "SRPVOS" općine Sanski Most

Član 1.

Ovom Odlukom pristupa se izradi Strateškog razvojnog plana za vode i okolišnu sanitaciju "SRPVOS" općine Sanski Most, kao temeljnog dokumenta u pružanju podrške uvođenju modela i mehanizama održivog upravljanja vodama i okolišem, zasnovanog na principima dobre uprave i kvalitete usluga.

Član 2.

Opći cilj Strateškog razvojnog plana iz člana 1. ove Odluke jeste povećanje kapaciteta lokalnih vlasti i civilnog društva za unapređenje prakse dobre uprave u oblasti voda i okolišne sanitacije (VOS), kroz institucionalni i organizacioni razvoj na području općine Sanski Most.

Član 3.

Strateški razvojni plan za vode i okolišnu sanitaciju obuhvata: ispitivanje i analizu postojećeg stanja u oblasti voda, zaštite okoliša i komunalne djelatnosti u cilju identificiranja prednosti, nedostataka i konkurentnosti lokalne zajednice; definiranje strateških ciljeva i smjernica u navedenim oblastima; identifikacija prioriternih aktivnosti u jačanju uprave; rangiranje projekata infrastrukture uz izradu akcionog plana, te evaluacija i upotreba stečenih znanja kroz implementaciju konkretnih infrastrukturnih projekata.

Član 4.

Strateški razvojni plan za vode i okolišnu sanitaciju mora biti usklađen sa prostorno-planskim dokumentima općine Sanski Most.

Član 5.

Za izradu Strateškog razvojnog plana iz člana 1. zadužuje se Komisija za strateško planiranje u oblasti voda i okolišne sanitacije koju će imenovati Općinsko vijeće, a koja predstavlja konsultativno tijelo koje aktivnim sudjelovanjem pomaže lokalnim vlastima u pripremi i implementaciji strategije dugoročnog razvoja u navedenim oblastima.

Član 6.

Ova Odluka stupa na snagu osmog dana od dana objavljivanja u Službenom glasniku općine Sanski Most.

Broj: 07-02-3146/09

Predsjedavajući Općinskog vijeća

Datum: 30.12.2009.godine

Praštalo Drago

Na osnovu člana 16. Zakona o prometu nekretnina (Sl.list RBiH br.38/78, 28/79, 2/92, 3/93 i 13/94 ), te člana 24.stav 7. Statuta općine Sanski Most ("Sl.glasnik općine Sanski Most" br.4/08,5/08 I 5/09 ), Općinsko vijeće na 15. sjednici održanoj dana 29.12.2009 godine d o n o s i

**O D L U K U**  
**O PRODAJI I POČETNOJ PRODAJNOJ CIJENI**  
**STAMBENIH JEDINICA (DOM ZDENA)**  
**U VLASNIŠTVU OPĆINE SANSKI MOST**  
**METODOM NEPOSREDNE POGODBE**

**Član 1.**

Početna prodajna cijena 5 stambenih prostora (označeni po tlocrtu 1-1,1-2,1-3,1-4 i 1-5) u naselju Zdena (zgrada bivšeg društvenog doma-sprat ), izgrađen na parceli K.Č.725/2 ,upisanih u ZK.181 K.O.S.Most IV ,s pravom raspolaganja općina S.Most 1/1 iznosi ukupno 60.567,19 KM.

**Član 2.**

Postupak prodaje nepokretnosti provest će Komisija za javnu prodaju nekretnina koju imenuje Općinsko vijeće, a sve u skladu sa Pravilnikom o postupku javnog nadmetanja za prodaju nekretnina u društvenoj svojini.

**Član 3.**

Predmetne nekretnine iz člana 1. ove Odluke prodat će se metodom neposredne pogodbe .

**Član 4.**

Ova Odluka stupa na snagu osmi dan od dana objave u Službenom glasniku općine Sanski Most.

Broj:07-02-3144/09  
Datum:30.12.2009 god.

Predsjedavajući Općinskog vijeća

Praštalo Drago

Na osnovu člana 24. Statuta Općine Sanski Most ( "Sl.glasnik Općine Sanski Most", br. 4/08, 5/08 i 5/09), Općinsko vijeće na 15-oj sjednici održanoj dana 29.12.2009.godine, d o n o s i:

## **ODLUKU**

**o izmjenama i dopunama Odluke o davanju saglasnosti za zaključenje Ugovora o zamjeni nekretnina u vlasništvu Općine Sanski Most i ŠPD " Unsko-sanske šume " d.o.o. Bosanska Krupa**

### **Član 1.**

U članu 1. iza stava 2. dodaje se stav 3. koji glasi :  
" Predmet prometa je parcela broj: 48 zv."Ulica Hamzibegova" , poslovna zgrada u privredi u površini od 490 m2 i zemljište ispod zgrade , dok parcela broj: 47 zv."Ulica Hamzibegova "- park nije predmet prometa jer se radi o dobru u opštoj upotrebi .

### **Član 2.**

Ova Odluka stupa na snagu osmog dana od dana objavljivanja u "Službenom glasniku" Općine Sanski Most.

**Broj: 07-02-3149/09**

**Datum: 30.12.2009.godine**

**PREDSJEDAVAJUĆI  
OPĆINSKOG VIJEĆA**

---

**PRAŠTALO DRAGO**



Na osnovu člana 38. Zakona o upravnom postupku (Sl.novine FBiH 2/98) Općinska Služba za geodetske i imovinsko-pravne poslove podnjela je Općinskom Vijeću općine Sanski Most, na usvajanje referat iz imovinsko-pravnih odnosa a Općinsko vijeće na 15-oj sjednici održanoj dana: 29.12.2009.godine,donijelo je:

**ODLUKU  
O USVAJANJU REFERATA  
IZ IMOVINSKO PRAVNIH ODNOSA**

Član 1.

Općinska Služba za geodetske i imovinsko-pravne poslove,na osnovu provedenog upravnog postupka,a u skladu sa Zakonom,predložila je Općinskom vijeću općine S.Most da dole navedene imovinsko pravne odnose rješi na slijedeći način,a Općinsko vijeće je na 15.-oj sjednici održanoj dana: 29.12.2009.godine,usvojilo prijedlog službe:

1.Halilović /Hasana/ Nevadu iz Sanskog Mosta,ul.Bare broj:67,u svrhu kompletiranja građevinske parcele dodjeljuje se gradsko građevinsko neizgrađeno zemljište označeno kao parcela broj:2061/6 zv "Aleja VII Korpusa"nekategorisani put u površini od 193 m2,upisana u KKU 424 KO Sanski Most I,spravom raspolaganja u korist :Općine Sanski Most ,sa dijelom 1/1.

Dodjela se vrši prema UTU broj:293/09 od 06.10.2009.godine.

Dodjela se vrši uz naknadu utvrđenu od strane Komisije za procjenu nekretnina

Navedena građevinska parcela se nalazi u naselju Bare.

2.Mujčinović /Murata/ Sabahudinu iz Sanskog Mosta,Bulevar VII Korpusa bb,u svrhu kompletiranja građevinske parcele dodjeljuje se gradsko građevinsko neizgrađeno zemljište označeno kao KČ broj: 1551/45 zv "Alagića polje"njiva 2 klase u površini od 507 m2,i KČ 1551/46 zv "Alagića polje" njiva 2 klase u površini od 204 m2, upisane u PL 756 KO Sanski Most,kao DS korisnik :Općina Sanski Most sa dijelom 1/1.

Dodjela se vrši prema Planu parcelacije broj:35/09 od 21.10.2009.godine.

Dodjela se vrši uz naknadu utvrđenu od strane Komisije za procjenu nekretnina

Navedena građevinska parcela se nalazi u Bulevar VII Korpusa.

3Preuzima se iz posjeda ranijeg korisnika gradsko građevinsko neizgrađeno zemljište označeno kao KČ 1866 zv "Alagića polje"njiva 2 klase u površini od 529 m2,(ukupna površina predmetne KČ broj: 1866 iznosi od 5087 m2), upisana u PL 4934 , KO Sanski Most kao vlasništvo:Zukić /Omera/ Husnije, sa dijelom 1/1. Preuzimanje gradskog građevinskog neizgrađenog zemljišta vrši se u svrhu realizacije Regulacionog plana "Alagića polje",odnosno podizanja nasipa zbog zaštite od poplava uz obalu rijeke Sane.

Preuzimanje gradskog građevinskog neizgrađenog zemljišta vrši se uz naknadu,koja će se odrediti u posbenom postupku.

Član 2.

Na osnovu ove Odluke Općinska služba za geodetske i imovinsko-pravne poslove sačinit će posebna rješenja po svakoj tački člana 1.ove Odluke.

Član 3.

Ova Odluka stupa na snagu osmog dana od dana objavljivanja u Službenom glasniku Općine Sanski Most.

Broj:07-02- 3150 /09  
Datum,30.12.2009.godine

PREDSJEDAVAJUĆI OPĆINSKOG VIJEĆA  
PRAŠTAO DRAGO

Na osnovu člana 24. Statuta općine Sanski Most (Službeni glasnik općine Sanski Most broj: 04/08, 05/08 i 5/09) i člana 30 Poslovnika o radu Općinskog vijeća Sanski Most Općinsko vijeće (Službeni glasnik općine Sanski Most broj: 03/06) na 15. sjednici održanoj dana 29.12.2009.godine d o n o s i

## R J E Š E N J E

o imenovanju Komisije za izradu izmjena i dopuna Statuta općine Sanski Most i Poslovnika o radu Općinskog vijeća Sanski Most

### Član 1.

Imenuje sa Komisije za izradu izmjena i dopuna Statuta općine Sanski Most i Poslovnika o radu Općinskog vijeća Sanski Most u sastavu:

1. Adnan Hadžipašić, dipl. pravnik-predsjednik
2. Fadila Talić, dipl. pravnik-član
3. Mirsad Sadić, dipl. pravnik-član
4. Hikmeta Salešević, dipl. pravnik-član
5. Mirnes Alagić, dipl. pravnik-član

### Član 2.

Zadatak Komisije je da pripremi tekst izmjena i dopuna Statuta općine Sanski Most i Poslovnika o radu Općinskog vijeća Sanski Most.

### Član 3.

Ovo Rješenje stupa na snagu osmog dana od dana objavljivanja u Službenom glasniku općine Sanski Most.

Broj:07-05-3-3143/09  
Datum:30.12.2009.god.

Predsjedavajući Općinskog vijeća

Praštalo Drago

Na osnovu člana 24. i 30. Statuta općine Sanski Most ("Sl.glasnik općine Sanski Most " broj 4/08,5/08 i 5/09) i člana 5. Pravilnik o uslovima i kriterijima za dodjelu stipendija redovnim studentima i đacima općine Sanski Most (Službeni glasnik općine Sanski Most ,broj 5/02 i 1/04) na 15. sjednici Općinskog vijeća održanoj dana 29.12.2009.godine donešeno je

## **R J E Š E N J E**

o imenovanju Komisije za dodjelu stipendija  
za studente općine Sanski Most

### **I**

Imenuje se Komisija za dodjelu stipendija za studente općine Sanski Most u sastavu:

1. Jasminka Šarčević- Burnić-predsjednik
2. Husref Zukić-član
3. Meho Batić-član
4. Samra Turanović-član
5. Muhamed Bilajbegović-član

### **II**

Zadatak Komisije je da u roku od 30 dana od dana donošenja ovog Rješenja završi proceduru oko utvrđivanja rang-liste kandidata koji ispunjavaju propisane kriterije i predlože Općinskom načelniku listu kandidata za dodjelu stipendija na osnovu kriterija iz Pravilnika o uslovima i kriterijima za dodjelu stipendija redovnim učenicima i studentima općine Sanski Most (Sl.glasnik općine Sanski Most broj:5/02 i 1/04 ).

### **III**

Ovo Rješenje stupa na snagu osmog dana od dana objavljivanja u "Službenom glasniku općine Sanski Most".

Broj: 07-05-3-3151 /09  
Datum:30.12.2009.god.

Predsjedavajući Općinskog vijeća  
Drago Praštalo

Na osnovu člana 24. Statuta općine Sanski Most ("Službeni glasnik općine Sanski Most" broj:4/08, 5/08 i 5/09 ) Općinsko vijeće općine Sanski Most na 15. sjednici održanoj dana 30.12.2009.godine donosi:

## RJEŠENJE

o imenovanju Komisije za strateško planiranje  
u oblasti voda i okolišne sanitaracije općine Sanski Most

### I

Imenuje se Komisija za strateško planiranje u oblasti voda i okolišne sanitaracije općine Sanski Most u sastavu:

|                       |                  |                                  |
|-----------------------|------------------|----------------------------------|
| 1. Drago Praštalo     | - predsjednik    | predsjedavajući Općinskog vijeća |
| 2. Sanel Mahić        | - član           | općinski vijećnik                |
| 3. Muharem Šupuk      | - član           | općinski vijećnik                |
| 4. Dijana Talić       | - član           | općinski vijećnik                |
| 5. Mediha Hromalić    | - član           | općinski vijećnik                |
| 6. Hajrudin Jakupović | - član           | općinski vijećnik                |
| 7. Senad Mešanović    | - član           | općinski vijećnik                |
| 8. Emir Trožić        | - član           | predstavnik JKP "Sana"           |
| 9. Edin Habibović     | - član           | predstavnik JKP "ViK"            |
| 10. Amer Mezetović    | - član           | predstavnik LORCA i NVO          |
| 11. Aida Karić        | - član           | predstavnik LORCA i NVO          |
| 12. Adnan Hadžipašić  | - član           | predstavnik organa uprave        |
| 13. Enis Džanić       | - član           | predstavnik organa uprave        |
| 14. Amel Kadirić      | - član           | predstavnik organa uprave        |
| 15. Hasib Kumalić     | - član, sekretar | predstavnik organa uprave        |

### II

Zadatak Komisije iz tačke I ovog Rješenja je da izradi dokument općinskog strateškog razvojnog plana za vode i okolišnu sanitaraciju, osigura aktivno sudjelovanje svih zainteresiranih strana u lokalnoj zajednici, lobira i mobilizira različite izvore finansiranja, promovira partnerstvo između javnog sektora i civilnog društva te razvoj privatnog sektora u lokalnoj zajednici, nadgleda korištenje odobrenih sredstava i prijedloge projekata koji će dobiti finansijsku podršku, angažira po potrebi nadležne općinske službe i općinske javne institucije u svrhu izrade strateškog razvojnog plana, priprema i izrađuje godišnje planove implementacije istog, saraduje i razmjenjuje informacije sa drugim općinama, regionalnim i državnim tijelima.

### III

Za učešće u radu Komisije imenovanim članovima pripada naknada u visini od 50% naknade članovima komisija u Općinskom vijeću, utvrđene Odlukom o utvrđivanju visine naknada vijećnicima i članovima komisija u Općinskom vijeću Sanski Most ("Službeni glasnik općine Sanski Most" broj:8/07 ), a sredstva će se obezbijediti u Budžetu Općine.

### IV

Ovo Rješenje stupa na snagu osmog dana od dana objavljivanja u Službenom glasniku općine Sanski Most.

Broj:07-05-3-3147/09

Predsjedavajući Općinskog vijeća

Datum:30.12.2009.godine

Praštalo Drago

BOSNA I HERCEGOVINA  
FEDERACIJA BOSNE I HERCEGOVINE  
UNSKO-SANSKI KANTON  
OPĆINA SANSKI MOST  
OPĆINSKO VIJEĆE

Broj:UP-1-06-31-1-1437/09

Datum,30.12.2009.godine

Na osnovu člana 45.Zakona o građevinskom zemljištu ("Sl.novine F BiH" br.25/03) i člana 24.,Statuta Općine Sanski Most ("Sl.glasnik Općine Sanski Most"broj:4/08,5/08,5/09) Općinsko vijeće na 15.-oj sjednici održanoj dana 29.12.2009.godine,d o n o s i ;

## **R J E Š E N J E**

1.Mujčinović /Murata/ Sabahudinu iz Sanskog Mosta,Bulevar VII Korpusa,u svrhu kompletiranja građevinske parcele dodjeljuje se gradsko građevinsko neizgrađeno zemljište označeno kao KČ broj:1551/45 zv.,Alagića polje“njiva 2 klase u površini od 507 m<sup>2</sup>,i KČ 1551/46 zv „Alagića polje“ njiva 2 klase u površini od 204 m<sup>2</sup>,upisane u PL 756 KO Sanski Most , kao DS korisnik :Općina Sanski Most,sa dijelom 1/1.

2.Na ime naknade za dodjeljeno građevinsko zemljište iz tačke 1.ovog rješenja imenovani je dužan platiti iznos od 14.220,00 KM,na žiro račun broj:1990440001229088, vrsta prihoda 721121, kod ABS banke DD Sarajevo filijala Sanski Most, u roku od 15 dana od dana dostavljanja ovog rješenja.

3.Nakon pravosnažnosti ovog Rješenja ima se u Katastru Općine Sanski Most brisati pravo raspolaganja predmetnog građevinskog zemljišta iz tačke 1.ovog rješenja upisano u korist ranijeg vlasnika i izvršiti upis prava vlasništva u korist :Mujčinović /Murata/ Sabahudin iz Sanskog Mosta,Bulevar VII Korpusa bb,sa dijelom 1/1.

4.Na ime troškova postupka imenovani je dužan uplatiti iznos od 240,00 KM ,na žiro račun broj:1990440001962602 ,vrsta prihoda:722439,kod ABS banke DD Sarajevo filijala Sanski Most,u roku od 15 dana od dana pravosnažnosti ovog rješenja.

### **Obrazloženje**

Općinskoj službi za geodetske i imovinsko-pravne poslove Općine Sanski Most,obratio se Mujčinović /Murata/ Sabahudin iz Sanskog Mosta,Bulevar VII Korpusa bb,sa zahtjevom broj:UP-1-06-31-1-1437/09 od 20.11.2009.godine,da mu se dodjeli gradsko građevinsko neizgrađeno zemljište radi kompletiranja građevinske parcele u ulici Bulevar VII Korpusa.

Postupajući po zahtjevu Služba je provela upravni postupak i utvrdila slijedeće:

Uvidom u UTU broj:35/09 od 21.10.2009.godine,utvrđeno je da nekretnine iz tačke 1.dispozitiva ovog Rješenja pripadaju građevinskoj parceli Mujčinović /Murata/ Sabahudina.

Na osnovu navedenog Služba za geodetske i imovinsko-pravne poslove ,predložila je Vijeću donošenje Rješenja ,a Općinsko vijeće je na sjednici održanoj dana 29.12.2009.godine,rješilo kao u tački 1.,dispozitiva ovog Rješenja.

Tačka 2. dispozitiva ovog Rješenja temelji se na Zapisniku Komisije za procjenu nekretnina, kojom je utvrđena cijena u visini od 20,00 KM po 1m<sup>2</sup>. (711 m<sup>2</sup> x 20,00 KM po 1m<sup>2</sup> = 14.220,00 KM)

Tačka 3. temelji se na članu 154. Zakona o premjeru i katastru nekretnina.

Tačka 4. temelji se na Odluci o Općinskim administrativnim taksama broj:07-02-444/07 od 09.03.2007.godine, tarifni broj 13, objavljena u („Sl.glasnik Općine Sanski Most“ Broj:1/07).

Administrativna taksa u iznosu od 15 KM naplaćena je na osnovu Odluke o općinskim administrativnim taksama broj:07-02-444/07 od 09.03.2007.godine, tarifni broj 1 i 3, objavljena u („Sl.glasnik Općine Sanski Most“ broj: 1/07).

Na osnovu navedenog rješeno je kao u dispozitivu ovog Rješenja.

Protiv ovog Rješenja ne može se izjaviti žalba ali se može pokrenuti upravni spor kod Kantonalnog suda u Bihaću u roku od 30 dana od dana dostavljanja ovog Rješenja.

Dostaviti:

1. Mujčinović /Murata/ Sabhudin  
Sanski Most, Bulevar VII Korpusa bb,
2. Općinskom pravobranilaštvu,
3. Katastru općine Sanski Most,
4. Općinskoj Službi za finansije,
5. Spis,
6. a/a.

PREDSJEDAVAJUĆI  
OPĆINSKOG VIJEĆA

PRAŠTALO DRAGO

BOSNA I HERCEGOVINA  
FEDERACIJA BOSNE I HERCEGOVINE  
UNSKO-SANSKI KANTON  
OPĆINA SANSKI MOST  
OPĆINSKO VIJEĆE

Broj:UP-1-06-31-1-1410/09  
Datum,30.12.2009.godine

Na osnovu člana 45.Zakona o građevinskom zemljištu ("Sl.novine F BiH" br.25/03) i člana 24.,Statuta Općine Sanski Most ("Sl.glasnik Općine Sanski Most"broj:4/08,5/08,5/09) Općinsko vijeće na 15.-oj sjednici održanoj dana 29.11.2009.godine,d o n o s i ;

## R J E Š E N J E

1.Halilović /Hasan/ Nevadu iz Sasnkog Mosta,Bare broj:67,u svrhu kompletiranja građevinske parcele dodjeljuje se gradsko građevinsko neizgrađeno zemljište označeno kao parcela broj:2061/6 zv „Aleja VII Korpusa“ nekategorisaniput u površini od 193 m<sup>2</sup> ,upisana u ZKU 424,KO Sanski Most I ,s pravom raspolaganja u korist:Općina Sanski Most,sa dijelom 1/1.

2.Na ime naknade za dodjeljeno građevinsko zemljište iz tačke 1.ovog rješenja imenovani je dužan platiti iznos od 3.860,00 KM,na žiro račun broj:1990440001229088 ,vrsta prihoda 721121,kod ABS banke DD Sarajevo filijala Sanski Most, u roku od 15 dana od dana dostavljanja ovog rješenja.

3.Nakon pravosnažnosti ovog Rješenja ima se u Katastru Općine Sanski Most i Zemljišnoknjižnom uredu Sanski Most,brisati pravo raspolaganja predmetnog građevinskog zemljišta iz tačke 1.ovog rješenja upisano u korist ranijeg vlasnika i izvršiti upis prava vlasništva u korist :Halilović /Hasana/ Nevad ,Bare broj:67,sa dijelom 1/1.

4.Na ime troškova postupka imenovani je dužan uplatiti iznos od 240,00 KM ,na žiro račun broj:1990440001962602 ,vrsta prihoda:722439,kod ABS banke DD Sarajevo filijala Sanski Most,u roku od 15 dana od dana pravosnažnosti ovog rješenja.

## Obrazloženje

Općinskoj službi za geodetske i imovinsko-pravne poslove Općine Sanski Most,obratio se Halilović /Hasana/ Nevad iz Sanskog Mosta,Bare broj:67,sa zahtjevom broj:UP-1-06-31-1-1410/09 od 16.11.2009.godine,da mu se dodjeli gradsko građevinsko neizgrađeno zemljište radi kompletiranja građevinske parcele u naselju Bare.

Postupajući po zahtjevu Služba je provela upravni postupak i utvrdila slijedeće:

Uvidom u UTU broj:293/09 od 06.10.2009.godine,utvrđeno je da nekretnine iz tačke 1.dispozitiva ovog Rješenja pripadaju građevinskoj parceli Halilović /Hasana/ Nevada.

Na osnovu navedenog Služba za geodetske i imovinsko-pravne poslove ,predložila je Vijeću donošenje Rješenja ,a Općinsko vijeće je na sjednici održanoj dana 29.12.2009.godine,rješilo kao u tački 1.,dispozitiva ovog Rješenja.

Tačka 2. dispozitiva ovog Rješenja temelji se na Zapisniku Komisije za procjenu nekretnina, kojom je utvrđena cijena u visini od 20,00 KM po 1m<sup>2</sup>. (193 m<sup>2</sup> x 20,00 KM po 1m<sup>2</sup> = 3.860,00 KM)

Tačka 3. temelji se na članu 154. Zakona o premjeru i katastru nekretnina.

Tačka 4. temelji se na Odluci o Općinskim administrativnim taksama broj:07-02-444/07 od 09.03.2007.godine, tarifni broj 13, objavljena u („Sl.glasnik Općine Sanski Most“ Broj:1/07).

Administrativna taksa u iznosu od 15 KM naplaćena je na osnovu Odluke o općinskim administrativnim taksama broj:07-02-444/07 od 09.03.2007.godine, tarifni broj 1 i 3, objavljena u („Sl.glasnik Općine Sanski Most“ broj: 1/07).

Na osnovu navedenog rješeno je kao u dispozitivu ovog Rješenja.

Protiv ovog Rješenja ne može se izjaviti žalba ali se može pokrenuti upravni spor kod Kantonalnog suda u Bihaću u roku od 30 dana od dana dostavljanja ovog Rješenja.

Dostaviti:

1. Halilović /Hasana/ Nevad  
Sanski Most, bare Broj:67,
2. Općinskom pravobranilaštvu,
3. Katastru općine Sanski Most,
4. Zemljišnoknjižni ured /kancelarija  
Sanski Most, ul. Muse Ćazima Ćatića broj:8,
5. Općinskoj Službi za finansije,
6. Spis,
7. a/a.

PREDSJEDAVAJUĆI  
OPĆINSKOG VIJEĆA

PRAŠTALO DRAGO



**BOSNA I HERCEGOVINA  
FEDERACIJA BOSNE I HERCEGOVINE  
UNSKO-SANSKI KANTON  
OPĆINA SANSKI MOST  
OPĆINSKO VIJEĆE**

Broj: UP-1-06-31-1-446/07

Datum:30.12.2009.godine

Na osnovu člana 24. Zakona o građevinskom zemljištu („Sl.novine F BiH“broj:25/03 i 16/04) i člana 24.Statuta općine Sanski Most („Sl.glasnik Općine broj:4/08,5/08 i 5/09) ,Općinsko Vijeće na 15 -oj sjednici održanoj 29.12.2009.godine, donijelo je :

**R J E Š E N J E**

**O PREUZIMANJU GRAĐEVINSKOG ZEMLJIŠTA IZ  
POSJEDA RANIJEG KORISNIKA**

- 1.U korist općine Sanski Most preuzima se iz posjeda ranijeg korisnika gradsko građevinsko neizgrađeno zemljište označeno kao k.č.broj 1866 zv.”Alagića polje”, njiva 2. klase u površini od 529 m<sup>2</sup>,(ukupna površina predmetne k.č. broj.1866 iznosi 5087m<sup>2</sup>),upisano u PL 4934, KO Sanski Most,kao vlasništvo Zukić (Omera) Husnije sa dijelom 1/1.
- 2.Preuzimanje gradskog građevinskog neizgrađenog zemljišta vrši se u svrhu realizacije Regulacionog plana “Alagića polje”, odnosno podizanja nasipa zbog zaštite od poplava uz obalu rijeke Sane.
- 3.Preuzimanje nekretnina iz tačke 1.ovog rješenja vrši se uz saglasnost zakonskih nasljednika ranijeg vlasnika.
- 4.Za preuzeto zemljište nasljednicima iza ranijeg vlasnika pripada pravo na naknadu , koja će se odrediti u posebnom postupku, nakon pravosnažnosti ovog rješenja.
- 5.Nakon pravosnažnosti ovog rješenja ima se u katastru općine Sanski Most izvršiti brisanje prava vlasništva upisano u korist ranijeg vlasnika iz tačke 1.ovog rješenja i izvršiti upis prava raspolaganja u korist općine Sanski Most, sa dijelom 53/509 i pravo suvlasništva u korist Zukić (Husnije) Dursume, Zukić (Husnije) Mine i Karabeg (Husnije) Melihe sa dijelom 456/509.

**O b r a z l o ž e n j e**

Dana 06.04.2007.godine Općinskoj službi za geodetske i imovinsko-pravne poslove obratila se Zukić Dursuma zahtjevom broj:UP-1-06-31-1-446/07.

Usmena javna rasprava na licu mjesta, u naselju Alagića polje održana je dana 22.05.2007.godine. Na osnovu izvršenog uviđaja i snimanja nasipa uz rijeku Sanu od

strane geometra organa uprave, utvrđeno je da je na predmetnom zemljištu Zukić Husnije izgrađen nasip u površini od 529m<sup>2</sup> za odbranu od poplava koje prouzrokuje rijeka Sana.

U postupku koji je prethodio donošenju ovog rješenja, nadležni organ uprave za imovinsko-pravne poslove saslušao je nasljednike iza umrlog ranijeg vlasnika građevinskog zemljišta koji su izjavili da se ne protive preuzimanju iz njihovog posjeda predmetnog zemljišta.

Svojom izjavom datom na Zapisnik pred službenim licem organa uprave dana 17.12.2009.godine, nasljednice iza umrlog ranijeg vlasnika izjavile su da za preuzeto zemljište traže pravičnu naknadu prema tržišnoj vrijednosti zemljišta.

Iste su od strane službenog lica upoznate da će se pitanje prava na naknadu utvrditi u posebnom postupku.

Kako su se u konkretnom slučaju stekli uslovi iz člana 24.Zakona o građevinskom zemljištu za preuzimanje građevinskog zemljišta iz posjeda ranijeg vlasnika, to je odlučeno kao u dispozitivu rješenja.

O preuzimanju zemljišta iz tačke 1.dispozitiva ovog rješenja raspravljalo je Općinsko vijeće na 15- oj sjednici održanoj dana 29.12.2009.godine, te je odlučeno kao u dispozitivu ovog rješenja.

Protiv ovog rješenja ne može se izjaviti žalba, ali se može pokrenuti upravni spor podnošenjem tužbe kod Kantonalnog suda u Bihaću u roku od 30 dana od dana dostavljanja ovog rješenja.

Dostaviti:

**PREDSJEDAVAJUĆI OPĆINSKOG  
VIJEĆA**

- 1.Zukić (Husnije) Dursuma  
17.VKB Kula 2, San.Most
- 2.Zukić (Husnije) Mina  
Šabića klanac bb.San.Most
- 3.Karabeg (Husnije) Meliha  
Husimovci bb.San.Most
- 4.Općinskom pravobraniocu općine S.Most
- 5.Katastru općine Sanski Most
- 6.Spis
- 7.a/a

**PRAŠTALO DRAGO**